



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0024771 23
Sarajevo, 29.12.2023. godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

Slobodana Savića zv. „Zenica“, [REDACTED] rođenog [REDACTED] 1970. godine u Zenici, [REDACTED]
[REDACTED]
državljanina BiH [REDACTED]

Što je,

Za vrijeme rata u Bosni i Hercegovini, u vrijeme oružanog sukoba između Armije Bosne i Hercegovine i Hrvatskog vijeća odbrane sa jedne strane i Vojske Republike Srpske sa druge strane, kao pripadnik Vojske Republike Srpske (VRS) i to kao stražar u VIZ Banja Luka zv. „Mali Logor“ (VIZ), postupao suprotno pravilima međunarodnog humanitarnog prava i to: odredbe člana 3. stav 1. tačka a) i c) IV

Ženevske konvencije o zaštiti civilnih lica za vrijeme rata od 12.08.1949. godine, kao i odredbe člana 3. stav 1. tačka a) i c) i stav 2. III Ženevske konvencije o postupanju sa ratnim zarobljenicima od 12.08.1949. godine, u periodu od marta 1994. godine do decembra 1995. godine, u prostoru VIZ-a Banja Luka u Banja Luci, prema civilima pripadnicima nesrpske nacionalnosti i ratnim zarobljenicima pripadnicima Hrvatskog vijeća odbrane (HVO) na način da je:

1. a) U periodu od početka septembra 1994. godine do decembra 1995. godine, koje vrijeme je oštećeni [REDACTED] proveo u VIZ-u, nečovječno postupao prema istom, tako što ga je sa više drugih stražara, više puta u prostorijama VIZ-a, kada bi [REDACTED] odlazio u prostorije mokrog čvora ili se vraćao iz tih prostorija, tukao palicom gdje god bi stigao a najviše po leđima i glavi, nanoseći mu tako velike patnje, a od kojih udaraca su oštećenog dugo bolila leđa, trpio je bolove i zbog tih bolova nije mogao ležati;
- b) U periodu od početka septembra 1994. godine do decembra 1995. godine, koje vrijeme je oštećeni [REDACTED] proveo u VIZ-u, nečovječno postupao prema istom, tako što ga je sa više stražara u večernjim satima, nakon što bi ga izveli iz ćelije, na hodniku VIZ-a, tukao gdje god bi stigao po tijelu, a najviše palicom po leđima i prsima, nanoseći mu tako tešku fizičku bol, a nakon čega se oštećeni osjećao kao polomljen, slabo se kretao i trpio jake bolove u predjelu prsa i leđa čime je oštećenom nanosio velike patnje.
2. Tačno neutvrđenog dana u periodu od početka marta 1995. godine do decembra 1995 godine, koje vrijeme je [REDACTED] proveo u VIZ-u, nečovječno postupao prema istom, tako što ga je u hodniku VIZ-a, ispred ćelije, tukao, udarajući ga gumenom palicom neprekidno i samo na jedno isto mjesto po leđima, desnoj lopatici, pri kom udaranju je oštećeni osjećao veliku bol, trnjenje, a zatim i oduzetost desnog ramena i ruke, ali nije htio ni glasa pustiti, da bi ga na kraju u bijesu udario sa desne strane palicom po zadnjem dijelu glave i vrata, a zatim ga je udario ispod desne potkoljenice, od čega je oštećeni izgubio ravnotežu te pokleknuo i konačno jauknuo i tek tada ga je otjerao u ćeliju, od kog udaranja oštećeni neko vrijeme nije mogao koristiti desnu ruku, osjećao veliku bol, neko vrijeme osjećao oduzetost ruke i ramena i bol u predjelu lopatice, te uznemirenost, zebnju i strah, čime je kod oštećenog [REDACTED] prouzrokovao tešku fizičku i duševnu bol.
3. a) U periodu od početka maja 1995. godine do decembra 1995. godine, koje vrijeme je [REDACTED] proveo u VIZ-u, postupao nečovječno prema istom, tako što ga je u prostorijama VIZ-a više puta tukao, udarajući ga po

cijelom tijelu nogama, rukama i gumenom palicom posebno po leđima, čime je oštećenom nanosio tešku fizičku bol;

b) Tačno neutvrđenog dana u periodu od početka maja 1995. godine do decembra 1995. godine, koje vrijeme je [REDACTED] proveo u VIZ-u, nečovječno postupao prema istom tako što ga je izveo iz ćelije i odveo u prostorije mokrog čvora, gdje mu je naredio da skine gornji dio odjeće, rekao mu da okrene leđa, a onda ga je udarao palicom po lijevom ramenu dok mu se ruka nije oduzela, a dugo poslije toga oštećenog je bolila ruka, te je osjećao jake bolove u ramenu, čime mu je nanio tešku fizičku bol;

c) Tačno neutvrđenog dana u periodu od početka maja 1995. godine do decembra 1995. godine, koje vrijeme je [REDACTED] proveo u VIZ-u, nečovječno postupao prema istom, tako što ga je sa više zatvorenika poveo na kupanje, a nakon kupanja ga je zadržao, rekao mu da stane uza zid, naredio da digne ruke u zrak i da se tako osloni prema zidu, a onda ga je palicom udarao po bubrezima i leđima dok mu neko nije dobio: „Stani Zenica ubićeš bolan čovjeka“, nakon čega je prestao sa udaranjem, čime je kod oštećenog izazvao velike patnje.

4. a) Tačno neutvrđenog dana u periodu od početka marta 1995. godine do decembra 1995. godine, koje vrijeme je [REDACTED] proveo u VIZ-u, nečovječno postupao prema istom, tako što je sa više stražara došao u ćeliju u koju je bio smješten [REDACTED] sa [REDACTED] [REDACTED] te se obratio jednom od [REDACTED] rekao mu: „Nemojte se sekirati [REDACTED], vi ćete izaći za koji dan, eventualno za koju sedmicu, a ovaj“, pokazujući na oštećenog [REDACTED], „neće nikada“, nakon čega je isti oštećeni podigao glavu iz obaveznog logoraškog stava i rekao mu da je to u božjim rukama, na šta se stražar Slobodan Savić zv. „Zenica“ proderao i rekao da nema boga, da je Srbin bog, na šta mu je isti oštećeni rekao da ne zna kako se on zove ali da je ipak u njegovim rukama, čime je kod [REDACTED] prouzrokovao veliki strah i tešku duševnu bol;

b) Tačno neutvrđenog dana u maju 1995. godine Slobodan Savić zv. „Zenica“ nečovječno postupao prema [REDACTED], tako što je došao u ćeliju u kojoj je sa [REDACTED] nekoliko dana bio smješten i [REDACTED], koji su ga dočekali u logoraškom stavu, pitao [REDACTED] koga ima kod kuće, a kada mu je isti odgovorio da ima [REDACTED] rekao mu je da više nema nikoga jer su sve [REDACTED] toga dana ubijene, usljed čega je u besvjesnom stanju oštećeni [REDACTED] pao na koljena, što je kod istog oštećenog izazvalo tešku duševnu bol iz kog stanja ga i pored nastojanja [REDACTED] nije bilo moguće duže vrijeme povratiti.

5. a) Tačno neutvrđenog dana u vremenskom periodu od februara 1995. godine do decembra 1995. godine, koje vrijeme je [REDACTED] proveo u VIZ-u, nečovječno postupao prema istom, tako što ga je u krugu zatvora, u dvorištu, gdje je [REDACTED] izveden sa drugim zatvorenicima kako bi ubacivao drva za ogrjev, oborio na hrpu ogrjeva, a potom tukao letvom po svim dijelovima tijela, nanoseći mu tako velike patnje od čega je zatvorenik [REDACTED] imao crne podlive po cijelom tijelu i trpio teške fizičke bolove;

b) Tačno neutvrđenog dana u vremenskom periodu od februara 1995. godine do decembra 1995. godine, koje vrijeme je [REDACTED] proveo u VIZ-u, nečovječno postupao prema istom, tako što ga je više puta, sa više drugih stražara, u ćeliji i na hodniku VIZ-a tukao palicom i nogama na kojima su bile čizme, od kojih udaraca je bio sav modar i imao crne fleke po tijelu, trpio teške bolove, čime je kod istog oštećenog prouzrokovao velike patnje.

6. a) U toku 1995. godine, u koje vrijeme je ratni zarobljenik [REDACTED] bio zatvoren u VIZ-u, nečovječno postupao prema istom, tako što je više puta ulazio u ćeliju u kojoj je bio oštećeni i tukao je njega kao i druge zatvorenike koji su sa njim bili u istoj ćeliji, tako što ga je udarao palicom i nogama i to palicom uglavnom po cijelom tijelu, a nogama uglavnom po donjem dijelu tijela oštećenog, nogama i str...., nanoseći mu tako velike patnje;

b) U toku 1995. godine, u koje vrijeme je ratni zarobljenik [REDACTED] bio zatvoren u VIZ-u, nečovječno postupao prema istom, tako što ga je samog ili sa drugim zatvorenicima izvodio iz ćelije na hodnik gdje ga je tukao palicom i nogama, a od udaraca zadobijenih od Slobodana Savića zv. „Zenica“ oštećeni je imao modrice po cijelom tijelu, podlive, posebno su jake bile povrede od udaraca nogama na kojima su bile vojne čizme, sa jakim džonovima kojim udarcima su oštećenim pored podliva i modrica nanošene i ogrebotine, od kojih udaraca je [REDACTED] trpio jake bolove čime su mu od strane Slobodana Savića zv. „Zenica“ nanesene velike patnje;

c) Tačno neutvrđenog dana početkom 1995. godine, nečovječno postupao prema ratnom zarobljeniku [REDACTED] tako što ga je izveo iz ćelije da čisti prostorije WC-a i tom prilikom ga je tjerao da guta neko sredstvo za čišćenje WC-a koje je izgledao kao bobice, oštećeni je to sredstvo držao u šaci ali nije progutao i tada ga je Slobodan Savić zv. „Zenica“ nekoliko puta udario nogom na kojoj su bile čizme od kojih udaraca je imao modrice i trpio jake bolove i tako ga je udarajući nogama otjerao nazad u ćeliju nanoseći mu tako velike patnje;

d) Tačno neutvrđenog dana u toku 1995. godine, postupao nečovječno prema ratnim zarobljenicima [REDACTED] i [REDACTED] tako što ih je izveo u dvorište u krugu VIZ-a, gdje su inače zatvorenici odvođeni u šetnju, da čiste snijeg, a tu su bila i neka drva, i tom prilikom je Slobodan Savić zv. „Zenica“ [REDACTED] dao jedno drvo koje je bilo oblo, debljine ruke, dužine oko 1 metar, i rekao mu je da udari tim drvetom [REDACTED] po glavi i pri tome je [REDACTED] nekoliko puta udario nogom u predjelu njegovih nogu dok je oštećeni držao to drvo, da bi ga natjerao tako da udari [REDACTED], a pošto je [REDACTED] oklijevao udario ga je još nekoliko puta nogama po njegovim nogama i on je tada vidijevši da mora da udari [REDACTED] odlučio da je najprikladnije i najlakše za [REDACTED] da ga tim drvetom udari po str... i tako je i uradio, a kada su se vraćali u ćeliju [REDACTED] je imao krv na pantolama i na čizmama i iza njega je ostajao krvav trag, od kojih udaraca po nogama je [REDACTED] zadobio modrice i krvne podlive te trpio bolove, a još teže od tih udaraca bilo je za njega to što je morao da udari [REDACTED], čime je stražar Slobodan Savić kod [REDACTED] i [REDACTED] prouzrokovao tešku fizičku i psihičku bol.

7. a) U periodu od kraja marta 1994. godine do maja 1995. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom, tako što je više puta dolazio u ćeliju u kojoj je bio smještan oštećeni i tukao ga je kao i druge zatvorenike, palicom, rukama i nogama po cijelom tijelu, od kojih udaraca je [REDACTED] imao modrice, bio otečen, najviše je imao modrica od palice i to po ramenima, imao je jake bolove od svih tih udaraca čime mu je nanosio tešku fizičku bol;

b) U periodu od kraja marta 1994. godine do maja 1995. godine, u koje vrijeme je ratni zarobljenik [REDACTED] bio zatvoren u VIZ-u, nečovječno postupao prema istom, tako što ga je više puta izveo iz ćelije u hodnik i tu bi ga tukao, rukama, nogama i palicom od kojih udaraca je oštećeni [REDACTED] bio pun modrica, krvnih podliva, bio otečen, imao jake bolove, najviše su mu leđa bila sva šarena od modrica, nanoseći mu tako teške patnje.

8. a) U periodu od kraja marta 1994. godine do kraja septembra ili početka oktobra 1995. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom, tako što je više puta ulazio u ćeliju u kojoj je bio oštećeni i tada bi ga tukao kao i druge zatvorenike u ćeliji, uglavnom rukama, nogama i palicom po cijelom tijelu, a na nogama je imao vojne čizme i ti udarci nogama su bili posebno bolni i jaki, od kojih udaraca je oštećeni imao krvne podlive,

modrice, bio otečen, imao i ogrebotine i trpio jake bolove, te mu je tako Slobodan Savić zv. „Zenica“ nanosio teške patnje;

b) U periodu od kraja marta 1994. godine do kraja septembra ili početka oktobra 1995. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom, tako što ga je više puta izvodio iz ćelije u hodnik, gdje bi ga tukao tako što bi mu prvo naredio da stane uza zid i da digne ruke sa tri prsta i prisloni se uza zid i onda bi ga udarao rukama, nogama, palicom po cijelom tijelu od kojih udaraca su oštećenom ostajali uboji, modrice, ogrebotine i trpio je velike bolove nanoseći mu tako teške patnje;

c) U periodu od kraja marta 1994. godine do kraja septembra ili početka oktobra 1995. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom, tako što ga je više puta izvodio da čisti WC i hodnik i pri tome bi ga tukao čime god bi stigao rukama, nogama, palicom po cijelom tijelu od čega je imao povreda u vidu modrica, krvnih podliva, uboja, ogrebotina i trpio je velike bolove, nanoseći mu tako teške patnje.

9. a) U periodu od kraja marta 1994. godine do avgusta 1994. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom, tako što ga je više puta u ćeliji, kao i druge zatvorenike, tukao rukama, nogama i palicom po cijelom tijelu od kojih udaraca je oštećeni imao modrice i krvne podlive te trpio jake bolove, čime mu je Slobodan Savić zv. „Zenica“ nanosio teške patnje;

b) Tačno neutvrđenog dana u periodu od kraja marta 1994. godine do avgusta 1994. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom, tako što je prišao oštećenom kada je čistio hodnik i našao se na stepenište između prvog i drugog sprata, pitao ga je li ikada bljuvao krv, a kada mu je [REDACTED] odgovorio da jeste, Slobodan Savić zv. „Zenica“ više puta ga je udario rukama i nogama od kojih udaraca je oštećeni imao modrice i krvne podlive i trpio teške bolove čime je kod oštećenog prouzrokovao teške patnje.

10. U periodu od kraja marta 1994. godine do septembra 1995. godine, u koje vrijeme je ratni zarobljenik [REDACTED] bio zatvoren u VIZ-u, postupao nečovječno prema istom tako što ga je više puta u ćeliji, kao i druge zatvorenike sa kojima je bio zatvoren, tukao rukama, nogama i palicom po cijelom tijelu od kojih udaraca je oštećeni bio sav modar i otečen, čime mu je Slobodan Savić zv. „Zenica“ nanosio teške patnje.

Čime bi počinio:

pod tačkama 1. a) i 1.b) krivično djelo Ratni zločin protiv civilnog stanovništva iz člana 142. Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ u vezi sa članom 22. istog Zakona;

pod tačkom 2. krivično djelo Ratni zločin protiv civilnog stanovništva iz člana 142. Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkama 3. a), 3. b), i 3. c) krivično djelo Ratni zločin protiv civilnog stanovništva iz člana 142. Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkama 4. a) i 4. b) krivično djelo Ratni zločin protiv civilnog stanovništva iz člana 142. Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkom 5. a) krivično djelo Ratni zločin protiv civilnog stanovništva iz člana 142. Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkom 5. b) krivično djelo Ratni zločin protiv civilnog stanovništva iz člana 142. Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ u vezi sa članom 22. istog Zakona;

pod tačkama 6. a), 6. b), 6. c) i 6. d) krivično djelo Ratni zločin protiv ratnih zarobljenika iz člana 144., Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkama 7. a) i 7. b) krivično djelo Ratni zločin protiv ratnih zarobljenika iz člana 144., Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkama 8. a), 8. b) i 8. c) krivično djelo Ratni zločin protiv ratnih zarobljenika iz člana 144., Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkama 9. a) i 9. b) krivično djelo Ratni zločin protiv ratnih zarobljenika iz člana 144., Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ;

pod tačkom 10. krivično djelo Ratni zločin protiv ratnih zarobljenika iz člana 144., Krivičnog zakona SFRJ koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

T U Ž I L A C
TUŽILAŠTVA/TUŽITELJSTVA BiH